

摛藻堂四庫全書薈要

集部

欽定四庫全書叢要

集部

御選歷代詩餘卷五十一

詳校官編修臣汪鏞

欽定四庫全書薈要

御選歷代詩餘卷五十目錄

起七十九字至八十二字

紅林檎近

周邦彥 二首

袁去華

方千里 二首

楊澤民 二首

陳允平 二首

金人捧露盤 又一體

張元幹

程垓

高觀國 三首

劉基

周用

山亭柳

杜安世

望雲涯引

李景元

憶黃梅

王觀

過澗歇

柳永

晁補之

鬪百花

晁補之

前調又一體

晁補之

安公子

柳永

最高樓

劉基

款殘紅

楊慎

瑤階草

程垓

最高樓

又一體

辛棄疾

三首

程垓

劉克莊

蔣捷

元好問

司馬昂父

御街行

又一體

高觀國

二首

鬪百花

又一體

柳永

皂羅特髻

蘇軾

金人捧露盤

又一體

賀鑄

倒垂柳

楊无咎

柳初新

柳永

新荷葉

趙抃

侯寘

辛棄疾

四首

趙彥端

二首

前調

又一體

趙長卿

趙彥端

鄭斗煥

早梅芳

又一體

周邦彥二首

陳允平二首

吳洪

拂霓裳

晏殊二首

柳腰輕

柳永

千秋歲引

王安石

吳子孝

徐有貞

夏允彝

洞仙歌

吳文英

八六子

王沂孫

最高樓 又一體

毛滂

夢玉人引

呂渭老

南州春色

汪莘

御選歷代詩餘卷五十目錄

欽定四庫全書 考要卷二萬七百二十八

集部

御選歷代詩餘卷五十

起七十九字
至八十二字

紅林檎近

紅林檎果名即紅柰也唐教坊有此曲
因以名詞雙調七十九字或無近字

紅林檎近

首二

周邦彥

高柳春纏軟凍枝寒更香暮雪照清峭玉塵散林塘那
堪飄風遞冷故遣度幙穿牕似欲料理新妝呵手弄絲
簧冷落詞賦客蕭索水雲鄉援毫授簡風流猶憶東

深望虛檐徐轉迴廊未掃夜長莫惜空酒觴

前調

周邦彥

風雪驚初霽水鄉增暮寒樹杪墮毛羽檐牙挂琅玕才
喜門堆巷積可惜迤邐銷殘漸看低竹翩翻清池漲微
瀾步履晴正好宴席晚方歡梅花耐冷亭亭來入冰
盤對前山橫素愁雲變色放杯同覓高處看

前調

袁去華

森木蟬初噪淡烟梅半黃睡起傍檐隙牆梢挂斜陽魚

躍浮萍破處碎影顛倒垂楊晚庭誰與追涼清風散荷
香望極霞散綺坐待月侵廊調冰薦飲全勝河朔飛
觴漸參橫斗轉懷人未寢別來偏覺今夜長

前調

雪次周美韻二首

方千里

花幙高燒燭獸煙深炷香寒色上樓閣春威徧池塘多
情天孫織罷故與玉女穿牕素臉淺約宮妝風韻勝笙
簧遊冶尋舊侶尊酒老吾鄉清歌度曲何妨塵落雕
梁任瑤堦平尺珠簾人報賸拚酩酌飛羽觴

前調

方千里

曉起山光慘晚來花意寒
映月衣纖縞因風珮琅玕
弄江梅聽徹幾點岸柳飄殘宛然舞曲初翻簾影捲波瀾
把酒同喚醉促膝小留歡清狂痛飲能消多少杯盤沉人生如寄相逢年老歲華休作容易看

前調

雪次周美成韻二首

楊澤民

輕有鵝毛體白無龍腦香瓊筭綴飛桷冰壺鑑方塘渾如瑤臺闌苑更無茅舍蓬牕畫閣自有梅妝貪耍罷彈

簧 鼓舞沽酒市蓑笠釣魚鄉遐觀自樂吾心何必濠
梁待喬木都凍千山盡老更煩玉指勸羽觴

前調

楊澤民

梅信初回暖風稜猶壯寒禾稼響圭璧簾旌隱琅玕門
前羣山尚滿牕外數片餘殘凍底潛有魚翻東風漸生
瀾 杖策扶半醉燕寢有餘歡兒童自捧皚皚調蜜盈
盤兆豐穰和氣來呈美瑞莫同輕薄飛絮看

前調

雪次周美
成韻二首

陳允平

飛絮迷芳意落梅銷暗香皓鶴唳空碧白鷗避寒塘妨
他踏青鬪草便放曉日東牕先自嬾美晨妝誰耐聽笙
簧望帘尋酒市看釣認漁鄉控持紫燕芹泥未上雕
梁想梁園謝館尋花較晚但陪玉樹頻舉觴

前調

陳允平

三萬六千頃玉壺天地寒庾嶺封的礫淇園折琅玕漠
漠梨花爛漫紛紛柳絮飛殘直疑潢潦驚翻斜風沂狂
瀾對此頻勝賞一醉飽清歡呼童翦韭和冰先薦春

盤怕東風吹散留尊待月倚闌莫惜今夜看

金人捧露盤

又一體雙調
七十九字

金人捧露盤

張元幹

臥扁舟聞寒雨數佳期又還是輕誤仙姿小樓夢冷覺
未應恨我歸遲鬢雲鬆處沈檀斜露泣花枝名與利
空縈繫添憔悴謾孤恓得見了說與教知偎香倚暖夜
鑪圍定酒溫時任他飛雪灑江天莫下層梯

前調惜春

程 峥

愛春歸憂春去為春忙旋點檢雨障雲妨遮紅護綠翠
幃羅幙任高張海棠明月杏花天更惜濃芳喚鶯吟
招蝶拍迎柳舞倩桃妝盡呼起萬籟笙簧一觴一咏儘
教陶寫繡心腸笑他人世漫嬉遊擁翠偎香

前調水仙花

高觀國

夢湘雲吟湘月弔湘靈有誰見羅韞塵生凌波步弱背
人羞整六銖輕娉娉裊裊暈嬌黃玉色輕明香心靜

波心冷琴心怨客心驚怕珮解却返瑤京杯擎清露醉
春蘭友與梅兄蒼煙萬項斷腸是雪冷江清

前調 梅花

高觀國

念瑤姬翻瑤佩下瑤池冷香夢吹上南枝羅浮夢杳憶
曾清曉見仙姿天寒翠袖可憐是倚竹依依 溪痕淺
雪痕凍月痕淡粉痕微江樓怨一笛休吹芳音待寄玉
堂煙驛兩棲遲新愁萬斛為春瘦却怕春知

前調

高觀國

楚宮閒金成屋玉為闌斷雲夢容易驚殘驪歌幾疊至
今愁思怯陽關清音恨阻抱哀箏知為誰彈年華晚
月華冷霜華重鬢華斑也須念閒損雕鞍斜緘小字錦
江三十六鱗寒此情天閣正梅信笛裏關山

前調

劉基

水如藍山如黛草如絲正去年雙燕來時衡門畫掩日
長惟有睡相宜午風吹破北牕夢檐影參差李花開
梅花謝榴花放杏花稀枉教人兩鬢雙垂凭闌竚立空

將愁眼盼斜暉斷雲迢遞趁征鴈直到天涯

前調五月十二日喜雨

周用

仰皇天驅雨伯駕飛廉記農師舊有靈占自來大旱不
過五月十之三山河大地從滂沛西北東南挽長河
千里潤嘗舊井十分甘奈微涓自喜沾沾雲雷大造天
功郵許世人貪鳳凰池上恩波闊新綠遙添

山亭柳

雙調七

十九字

山亭柳

杜安世

曉來風雨萬花飄落歎韶光虛過却芳草萋萋映樓臺
淡煙漠漠紛紛絮飛院宇燕子過朱閣玉容淡妝添
寂寞檀郎韞願太情薄數歸期絕信約暗添春宵恨平
康恣迷歡樂時時悶飲綠醑甚轉轉思量著

望雲涯引

雙調七
十九字

望雲涯引

李景元

秋容江上岸花老蘋洲白露濕蒹葭浦嶼漸增寒色閒
漁唱晚鶩鴈驚飛處映遠磧數點輕帆送天際歸客
鳳臺人散漫回首沉消息息素鯉無憑樓上暮雲凝碧時
向西風下認遠笛宋玉悲懷未信金尊消得

憶黃梅

雙調七

十九字

憶黃梅

王觀

枝上葉兒未展已有墜紅千片春意怎生防怎不怨被

我安排矮牙牀斗帳和嬌豔移在花叢裏面 請君看
惹清香偎媚暖愛香愛暖金杯滿問春怎管大家拚便
做東風總吹教零亂猶兀自輸我鴛鴦一半

過澗歇

雙調八

十字

過澗歇

柳永

淮楚曠望極千里火雲燒空盡日西郊無雨厭行旅數
幅輕帆漸落檣棹蒹葭浦避畏景兩兩舟人夜深語

此際爭可便恁奔名競利去九衢塵裏衣冠冒炎暑回首江鄉月觀風亭水邊石上幸有散髮披襟處

前調

晁補之

歸去奈故人尚作青眼相期未許明時歸去放懷處買得東皋數畝靜愛園林趣任過客剥啄相呼畫扁戶堪笑兒童事業華顛向誰語草堂人悄圓荷過微雨都付邯鄲一枕清風好夢初覺砌下槐影方亭午

鬪百花

唐時鬪花以奇者為勝調名取此一
名夏州與鬪百花草無涉雙調八十字

鬪百花

晁補之

小小盈盈珠翠憶得眉長眼細曾共映花低語已解傷
春情意重向溪堂臨風看舞梁州依舊照人秋水轉更
添姿媚 與問階上簸錢時節記微笑但把纖腰向人
嬌倚不見還休誰教見了厭厭還是向來情味

前調又一

晁補之

斜日東風深院繡幕低迷歸燕瀟灑小屏嬌面鬢鬟燈

前初見與選筵中銀杯半折姚黃插向鳳凰釵畔微笑
遮紈扇 教展香裯看罷霓裳促徧紅飈翠翻驚鴻乍
拂秋岸柳困花慵盈盈自整羅巾須勸倒金盞

安公子

雙調八

十字

安公子

柳 永

長川波瀲灔楚鄉淮岸迢遞一霎烟汀雨過芳草青如
染驅馬攜書劍當此好天好景自覺多愁多病行役心

情厭望處曠野沉沉暮雲黯黯行侵夜色又是急擣
投村店認去程將近舟子相呼遙指漁燈一點

最高樓

雙調八

十字

最高樓

劉基

今宵月還照別離愁愁上最高樓九霄無路青冥闊玉
京風露冷於秋寶刀裁不斷水東流誰知道黃粱炊
未熟早過了洞天三十六塵土事幾時休廣寒桂樹清

香好圓光恰滿又成鈎笑階前萱草浪語忘憂

款殘紅

雙調八十字此楊慎自名調乃八韻五言古詩實合生查子二調為一調換頭用宋李之儀謝池春慢語以其獨立一調存之

款殘紅

楊慎

花徑款殘紅風沼繚新皺有意惜餘春無計消長晝香
醪濁玉窪瑞腦噴金獸誰與共溫存寂寞黃昏後頻
移帶眼寬只恁懨懨瘦不見又思量見了還依舊為問

頻相見何似長相守天生並頭蓮好結同心藕

瑤階草

雙調八
十字

瑤階草

程 垢

空山子規叫月破黃昏冷簾幙風輕綠暗紅又盡自從
別後粉銷香膩一春成病那堪晝閒日永恨難整起來無語綠萍破處池光淨悶理殘妝照花獨自憐瘦影
睡來又怕飲來越醉醒來却悶看誰似我孤另

最高樓

又一體雙調

八十一字

最高樓

辛棄疾

長安道投老倦遊歸七十古來稀
鶼鷀花雨濕前湖夜桂枝風澹小山時
怎消除須殢酒更吟詩也莫向竹邊
辜負雪也莫向柳邊辜負月閒過了總成癡
種花事業無人問惜花情緒只天知笑山中雲出早
鳥歸遲

前調

賦用前韻

辛棄疾

西園買誰載萬金歸多病勝遊稀風斜畫燭天香夜涼
生翠蓋酒酣時待重尋居士譜謫仙詩看黃底御袍
元自貴看紅底狀元新得意如斗大笑花癡漢妃翠被
嬌無奈吳姬粉陣恨誰知但紛紛蜂蝶亂笑春遲

前調賦梅

辛棄疾

花知否花一似何郎又似沈東陽瘦稜稜地天然白冷
清清地許多香笑東君還又向北枝忙著一陣雲霎時
間底雪更一箇缺些兒底月山下路水邊牆風流怕有

人知處影兒守定竹旁廂且饒他桃李趁少年場

前調

程 垢

舊心事說著兩眉羞記得凭肩遊湘裙羅襪桃花岸薄
衫輕扇杏花樓幾番行幾番醉幾番留也誰料春風
吹已斷又誰料朝雲飛亦散天易老恨難酬蜂兒不解
知人苦燕兒不解說人愁舊情懷消不盡幾時休

前調

再題周登樂府

劉克莊

周郎後直數到清真君莫是前身八音相應諧韶樂一

聲未了落梁塵笑而今輕郢客重巴人 只少箇綠珠
橫玉笛更少箇雪兒彈錦瑟欺賀晏壓黃秦可憐樵唱
并菱曲不逢御手與龍巾且酣眠蓬底月甕間春

前調

蔣捷

新春景明媚在何時宜早不宜遲軟塵巷陌青油幘重
簾深院畫羅衣要些兒晴日照暖風吹 一片片雪兒
休要下一點點雨兒休要灑纔恁地越愆期悠悠不趁
梅花到匆匆枉帶柳花飛倩黃鶯將我話報春歸

前調

元好問

商於路山遠客來稀雞犬靜柴扉東家歡飲薑芽脆西
家留宿芋魁肥覺重來猿與鶴總忘機問華屋高貲
誰不戀問美食大官誰不羨風浪裏竟安歸雲山既不
求吾是林泉又不責吾非任年年藜藿飯芰荷衣

前調暮春

司馬昂父

花信緊二十四番愁風雨五更頭侵階苔蘚宜羅韞逗
衣梅潤試香篝綠牕閒人夢覺鳥聲幽按秦箏學弄

相思調寫幽情恨殺知音少向何處說風流一絲楊柳
千絲恨三分春色二分休落花中流水裏兩悠悠

御街行

又一體雙調
八十一字

御街行

賦簾

高觀國

香波半窄深深院正日上花陰淺青絲不動玉鈎閒看
翠額輕籠葱蒨鶯聲似隔篆煙微度受橫影參差滿
那回低挂朱闌畔念悶損無人捲窺春偷倚不勝情彷

佛見如花嬌面纖柔緩揭簷然飛去不似春風燕

前調賦輜

高觀國

藤筠巧織花紋細稱穩步如流水踏青陌上雨初晴嫌
怕濕文鴛雙履要人送上蓬花須住纔過處香風起
裙兒挂在簾兒裏更不把腮兒閉紅紅白白簇花枝恰
稱得尋春芳意歸來時晚紗籠引道扶下人微醉

鬪百花

又一體雙調

八十一字

鬪百花

柳永

煦色韶光明媚輕靄低籠芳樹池塘淺蘸煙蕪簾幙閒垂飛絮春困厭厭拋擲鬪草工夫冷落踏春心緒終日扃朱戶遠恨絲絲淑景遲遲難度年少傅粉依前醉眠何處深院無人黃昏乍折鞦韁空鐸滿庭花雨

皂羅特髻

雙調八十一字一名采菱拾翠以蘇軾詞起句得名也

皂羅特髻

蘇軾

采菱拾翠算似此佳名阿誰消得采菱拾翠稱使君知
客千金買采菱拾翠更羅裙滿把真珠結采菱拾翠正
簪纏初合 真箇采菱拾翠但深憐輕拍一雙手采菱
拾翠繡衾下抱著俱香滑采菱拾翠待到京尋覓

金人捧露盤

又一體雙調

八十一字

金人捧露盤

賀鑄

控滄江排青嶂燕臺涼駐綵仗樂未渠央巖花磴蔓茹

千門珠翠倚新妝舞筵歌悄恨風流不啻餘香 繁華

夢驚俄頃佳麗地指蒼茫寄一笑何與興亡量船載酒
賴使君相對兩交牀緩調清管更為儂三弄斜陽

倒垂柳

雙調八

十一字

倒垂柳

九日

楊无咎

曉來煙露重為重陽增勝致記一年好處無似此天氣
東籬白衣至南陌芳筵啟風流曾未遠登臨都在眼底

人生如寄謾把茱萸看子細擊節聽高歌痛飲莫辭
醉烏帽任教顛倒風裏墜黃花明日縱好無情味

柳初新

雙調八
十一字

柳初新

柳永

東郊向曉星杓亞報帝里春來也柳撟烟眼花勻露臉
漸覺綠嬌紅奵妝點層臺芳榭運神功丹青無價別
有堯堦試罷新郎君成行如畫杏園風細桃花浪暖龍

喜羽遷鱗化徧九陌相將遊冶驟香塵寶鞍騎馬

新荷葉

雙調八十二字
一名折新荷引

新荷葉

趙抃

雨過迴廊圓荷嫩綠新抽越女輕盈畫橈穩泛蘭舟芳容豔粉紅香透脈脈嬌羞菱歌隱隱漸遙依約回眸堤上郎心波間妝影遲留不覺歸時淡天碧襯蟾鈎風蟬噪晚餘霞際幾點沙鷗漁笛不道有人獨倚危樓

前調

侯寘

柳幄飛絲風池煙泛新萍燕壘泥香玉麟堂外春深晴
雲麗日花濃處蜂蝶紛紛償春一醉管絃聲裏歡聲
况是清時錦衣重到臺城故國江山向人依舊多情趁
閒行樂休辜負冶葉繁英彤庭歸覲恁時難駐前旌

前調

辛棄疾

人已歸來杜鵑欲勸誰歸綠樹如雲等閒付與鶯飛兔
葵燕麥問劉郎幾度沾衣翠屏幽夢覺來水遼山圍

有酒重攜小園隨意芳菲往日繁華而今物是人非春
風半面記當年初識崔徽南雲鴈少錦書無箇因依

前調用前韻

辛棄疾

春色如愁行雲帶雨纔歸春意長閒遊絲盡日低飛閒
愁幾許更曉風特地吹衣小牕人靜棊聲似解重圍
光景難攜任他鶗鴂芳菲細數前愆不應詩酒皆非知
音弦斷笑淵明空撫餘徽停杯對影待邀明月相依

前調

題悠然閣

辛棄疾

種豆南山零落一頃為其歲晚淵明也吟草盛苗稀風
流割地向尊前采菊題詩悠然忽見此山正遠東籬
千載襟期高情想像當時小閣橫空朝來翠撲人衣是
中真趣問騁懷遊目誰知無心出岫白雲一片孤飛

前調

辛棄疾

曲水流觴賞心樂事良辰蘭蕙光風轉頭天氣還新明
眸皓齒看江頭有女如雲折花歸去綺羅陌上芳塵
能幾多春試聽啼鳥殷勤對景興懷向來憂樂紛紛且

題醉墨似蘭亭別叙時人後之覽者又將有感斯文

前調次辛稼軒韻

趙彥端

欲暑還涼如春有意重歸春若歸來任他鶯老花飛輕
雷澹雨似晚風欺得單衣檐聲驚醉起來新綠成圍
回首分攜光風冉冉菲菲曾幾何時故山疑夢還非鳴
琴再撫將清恨都入金徽永懷橋下繫船溪柳依依

前調次前韻

趙彥端

雨細梅黃去年雙燕還歸多少繁紅盡隨蝶舞蜂飛陰

濃綠暗正麥秋猶衣羅衣香凝沉水雅宜簾幙重圍
繡扇仍攜花枝塵染芳菲遙想當時故交徃徃人非天
涯再見悅情話景仰清微可人懷抱晚期蓮社相依

前調又一
體

趙長卿

冷徹蓬壺翠幢鼎鼎生香十頃琉璃望中無限清涼遮
風掩日高低襯密護紅妝陰陰湖裏羨他雙浴鴛鴦
猛憶西湖當年一夢難忘折得曾將蓋雨歸思如狂水
雲千里不堪更回首思量而今把酒為伊沉醉何妨

前調秀州作

趙彥端

玉井冰壺人間有此清秋笑語雍容令從庭戶初修迎
風待月香凝處四捲簾鈎月波奇觀未饒當日南樓
聞說三吳江湖從古風流況有雙轎舊譜黃閣清油金
甌屢啟應難解久為人留天池波濶可憐蘋滿汀洲

前調荷葉

鄭斗煥

乳鴨池塘晴波漾綠粼粼宿藕根香夏來生意還新鉏
花貼翠蚨錢小相間萍星一番雨過一番暗展圓青

魚戲龜游看來猶未勝情因憶年時垂釣曾釣輕盈玉
人何處關情是半捲芳心簾風一掉鴛鴦催起歌聲

早梅芳

又一體雙調
八十二字

早梅芳

周邦彥

花竹深房櫳好夜閒無人到隔牕寒雨向壁孤燈弄餘
照淚多羅袖重意密鶯聲小正魂驚夢怯門外已知曉
去難留話未了早促登長道風披宿霧露洗初陽射

林表亂愁迷遠覽苦語繁懷抱謾回首更堪歸路杳

前調

周邦彥

繚牆深叢竹繞宴席臨清沼漸呈纖履故隱烘簾自嬉
笑粉香妝暈薄帶緊腰圍小看鴻驚鳳翥滿座歎輕妙
酒醒時會散了回首城南道河陰高轉露脚斜飛夜
將曉異鄉淹歲月醉眼迷登眺路迢迢恨滿千里草

前調

次周美韻

陳允平

柳初妍花漸好可恨行期到落梅香雪淡月朦朧影漸

照風簾銀燭暗露幙金泥小縱離歌緩唱殘角又霜曉
瑣牕前秦吉了促上長安道揚鞭西去幾點稀星尚
雲表去程疑是夢宿酒昏情抱鳳樓空瓊簫聲漸杳

前調次周美
韻

陳允平

鳳釵橫鸞帶繞獨步鴛鴦沼闌干斜倚自撲精神對花
笑貼衣瓊佩冷襯縠金蓮小捲香茵縹緲舞袖稱纖妙
夢初成歡未了明日青門道離雲別雨脈脈無情畫
堂曉柳邊騎馬去翠閣空凝眺漸春風綠愁江上草

前調

吳洪

柳將眠桃欲笑又是清明到玉河冰泮無數金魚弄池藻聯車油璧軟竝馬絲鞭裊喜鳳城麗景游覽趁春曉望瀛洲紛翠葆花滿瓊華島玉棟西去金碧觚稜聳雲表散衙常過午下直須歸早更相期提壺同藉草

拂霓裳

雙調八十二字霓裳羽衣為唐時道調法曲之最大者宋舞曲名亦有拂霓裳詞調本此

拂霓裳

晏殊

喜秋成千門萬戶樂昇平金風細玉池波浪縠文生宿
露霑羅幕微涼入畫屏張綺宴傍熏鑪蕙炷和新聲
神仙雅會會此日象蓬瀛管絃清旋翻紅袖學飛瓊光
陰無暫住歡醉有閒情祝辰星願百年為壽獻瑤觥

前調

晏殊

笑秋天晚荷花綴露珠圓風日好數行新鴈貼寒烟銀
簧調脆管瓊柱撥清絃捧觥船一聲聲齊唱太平年
人生百歲離別易會逢難無事日剩呼賓友啓芳筵星

霜催綠鬢風露損朱顏惜清歡又何妨沉醉玉尊前

柳腰輕

雙調八
十二字

柳腰輕

柳永

英英妙舞腰肢軟章臺柳昭陽燕錦衣冠蓋綺堂筵宴
是處千金爭選顧香砌絲筦初調倚輕風佩環微顫
乍入霓裳促徧逞盈盈漸催檀板慢垂霞袖急趨蓮步
進退竒容千變笑何止傾國傾城暫回眸萬人腸斷

千秋歲引

雙調八
十二字

千秋歲引

王安石

別館寒砧孤城畫角一派秋聲入寥廓東歸燕從海上
去南來鴈向沙頭落楚臺風庾樓月宛如昨無奈被
些名利縛無奈被他情擔閣可惜風流總閒却當初謾
留華表語而今悞我秦樓約夢闌時酒醒後思量著

前調

吳子孝

朱夏初臨薰風漸扇永日畫堂消香篆閒身長狎水中
鷗芳辰恰覩梁間燕舉玉卮歌金縷春無限 六十年

華人正健紺鬢紅顏猶未變蘭玉盈庭閭里羨裊裊紅
生檻上雲垂垂柳散風中線太平時清和節長生宴

前調

徐有貞

風攬柳絲雨採花纈蚤過了清明時節新來燕子語何
多老去鶯花飛未歇秋千院蹴踘場人蹤絕 踏青拾
翠都休說是誰馬走章臺雪是誰簫弄秦樓月從前已

是無情緒可奈而今更離別一回頭人千里腸百結

前調

夏允彝

澤國微茫海濱寥廓萬堞孤城逼天角雲外龍車碧樹
懸霜前鴈字當腮落苧城花秦山月都蕭索刺史風
流攜琴鶴刺史風流倚軒閣釀酒新亭幾忘却三泖沙
明遠郡樓九峰嵐翠扶城郭銅壺響曉更催宛如昨

洞仙歌

雙調八十二字此調體製不同皆以字數分入各卷此則第一體也

洞仙歌

賦黃木香贈辛稼軒

吳文英

花中慣識壓架瓏璁
雪不見湘英間琅葉
恨春風將了染額人
歸留得箇裊裊垂香帶月
鶯兒真似酒我愛幽芳
還比荼蘼又嬌絕
自種古松根待黃龍亂飛上蒼
髯五龍更老仙添與筆端春
敢喚起桃花問誰優劣

八六子

雙調八
十二字

八六子

王沂孫

埽芳林幾番風雨匆匆老盡春禽漸薄潤侵衣不斷嫩
涼隨扇初生晚牕自吟沉沉幽徑芳尋掩靄苔香簾
淨蕭疎竹影庭深漫忘却寶釵蟲折絳屏鸞破當時暗
水和雲泛酒空山留月聽琴料如今門前數重翠陰

最高樓

又一體雙調
八十二字

最高樓

毛滂

微雨過深院芰荷中香冉冉繡重重玉人共倚闌干角

月華猶在小池東
入人懷吹鬢影可憐風
分散去輕如雲與雪
剩下了許多風與月
侵枕簟冷簾櫳剛能小睡
還驚覺略成輕醉早惺忪
仗行雲將此恨到眉峰

夢玉人引

雙調八
十二字

夢玉人引

呂渭老

上危梯望畫閣迴
畫簾垂曲水飄香
小園鶯喚春歸舞袖
弓彎正滿城煙草
淒迷結伴踏青趁蝴蝶雙飛賞

心歡計從別後無意到西池自檢羅囊要尋紅葉留詩
嬾約無憑據鶯花都不知怕人問強開懷細酌酴醿

南州春色

雙調八
十二字

南州春色

汪莘

清溪曲一株梅無人修采獨立古牆隈莫恨東風吹不
到著意挽春回一任天寒地凍南枝香動花傍一陽開
更待明年首夏酸心結子天自栽培金鼎調羹仁心

猶在還種處無限根荄管取南州春色多自此中來

御選歷代詩餘卷五十

欽定四庫全書
欽定四庫全書
欽定四庫全書
欽定四庫全書要

御選歷代詩餘卷五十一目錄

八十
二字

嵩山溪

歐陽修

黃庭堅

四首

晁補之

四首

李之儀

四首

賀鑄

毛滂 四首

李元膺

葛勝仲 二首

張表臣

周紫芝

謝逸

周邦彥

三首

晁端禮

曹組

二首

沈會宗

蔡伸

葉夢得

趙長卿

張元幹

劉子翬

曾覩

二首

楊元咎 二首

侯寘

辛棄疾

張孝祥

程垓

吳儆

二首

袁去華

張震

二首

杜旗

王千秋

姜夔

陸游

二首

謝懋

易祓

汪莘

洪瑊

方千里

楊澤民

盧炳

陳允平

石孝友

三首

何夢桂

二首

蔡松年

趙可

張埜

劉基

三首

陳子龍

御選歷代詩餘卷五十一目錄

欽定四庫全書會要卷二萬七百二十九

集部

御選歷代詩餘卷五十一

八十一字

葛山溪

一名陽春 一名上陽春雙調八十二字 中間平仄稍有異處句法悉同無分體也

葛山溪

歐陽修

新正初破三五銀蟾滿纖手染香羅剪翦紅蓮滿城開偏
樓臺上下歌管咽春風駕香輪停寶馬只待金烏晚
帝城今夜羅綺誰爲伴應卜紫姑神問歸期相思望斷

天涯情緒對酒且開顏春宵短春寒淺莫待金杯燠

前調

黃庭堅

山圍江暮天鏡開晴絮斜影過梨花照文星老人星聚
清尊一笑歡甚却成愁別時襟餘點點疑是高唐雨
無人知處夢裏雲歸路回鴈曉風清鴈不來啼鴉無數
心情老嬾尤物解移人春盡也有南風好便迴帆去

前調

贈 衡 陽
妓 陳 湘

黃庭堅

鴛鴦翡翠小小思珍偶眉黛斂秋波儘湖南山明水秀

婷婷嫋嫋恰近十三餘春未透花枝瘦正是愁時候

尋芳載酒宵落誰人後只恐晚歸來綠成陰青梅如豆
心期得處每自由人長亭柳君知否千里猶回首

前調

至宜州寄陳湘

黃庭堅

稠花亂蕊到處撩人醉林下有孤芳不匆匆成蹊桃李
今年風雨莫送斷腸紅斜枝倚風塵裏不帶風塵氣
微嗔又喜約略知春味江上一帆愁夢猶尋歌梁舞地
如今對酒不似那回時書漫寫夢空來只有相思是

前調

黃庭堅

山明水秀盡屬詩人道應是五陵兒見山翁孤吟絕倒
一觴一詠瀟灑寄高閒松月下竹風間試想開襟抱

玉闕遙指萬里天衡杳筆陣埽秋風瀉珠璣琅琅皎皎
臥龍智略三詔佐昇平煙塞事玉堂心頻把菱花照

前調

譙園飲酒

晁補之

譙園幽古煙鎖前朝檜搖落東紅時滿園空幾株蒼翠
使君才譽金殿握蘭人將風調改荒涼便是嬉遊地

劉郎莫問去後桃花事司馬更堪憐掩金觴荒邑催淚
愁來不醉不醉奈愁何汝南周東陽沈勸我如何醉

前調

晁補之

金尊玉酒佳味名仙樽恐是九龍泉堪一飲霜毛却翠
何須說此只飲但陶陶燈光底百花春自是仙家地
星郎早貴慣見風流事留我不須歸倒尊空燭堆紅淚
飛鳬令尹才調更翩翩休弔古枉傷神有興來同醉

前調

毫社寄
大潛

晁補之

蘭臺僕史好在多情否不寄一行書過西風飛鴻去後

功名心事千載與君同只狂飲只狂吟綠鬢殊非舊

山歌村館愁醉潯陽叟且借兩州春看一曲尊前舞袖

古來畢竟何處是功名不同飲不同吟也勸時開口

前調

和王定國
憶廣陵

晁補之

揚州全盛往事今何處帆錦雨明珠胥薔薇月中嬉語
朱衣白面公子似神仙登雲嶼臨煙渚狂醉成懷古
蘭舟歸後誰與春爲主吟嘯我重來倚瓊花東風日暮

吳霜點鬢流落共天涯竹西路高陽侶魂夢應相遇

前調

次魯直長沙韻

李之儀

青樓薄倖已分終難偶尋偏綺羅間悄無箇眼中翹秀
江南春曉花發亂鶯飛情漸透休辭瘦果有人相候

醉鄉路穩常是身偏後誰謂正歡時把相思翻成紅豆
千言萬語畢竟總成虛章臺柳青青否魂夢空搔首

前調

北觀避暑

李之儀

金柔火老欲避幾無地誰借一檐風鎖幽香愔愔清邃

瑤階珠砌如膜遇金鎧流水外落花前豈是人能致
璧麟泛玉笑語皆真類惆悵月邊人駕雲輶何方適意
么絃咽處空感舊時聲薰易歇恨偏長魂斷成何事

前調

采石
雪

李之儀

蛾眉亭上今日交冬至已報一陽生更佳雪因時呈瑞
勻飛密舞都是散天花山不見水如山渾在冰壺裏
平生逸勝到此非容易弄月與燃犀漫勞神徒能驚世
爭如此際天意巧相符須痛飲慶難逢莫訴厭厭醉

前調

李之儀

晚來寒甚密雪穿庭戶如在廣寒宮
驚兩目瑤林瓊樹
佳人乘興應是得歡多泛新聲催金盞
別有留心處
爭知這裏沒箇人言語撥盡火邊灰攬愁腸飛花舞絮
憑誰子細說與此時情歡暫歇酒微醺還解相思否

前調

賀鑄

楚鄉新歲不放殘寒退月曉桂城閒弄珠英因風委墜
清淮鋪練十二玉峰前上簾櫳招佳麗置酒成高會

江南芳信目斷何人寄應占鏡邊春想晨妝膏濃壓翠
此時乘興半道忽迴撓五雲溪門深閉璧月常相對

前調 東堂

毛滂

東堂先曉簾挂扶桑暖畫舫寄江湖倚小樓心隨望遠
水邊竹畔石瘦蘚花寒秀陰遮潛玉夢鶴下漁磯晚
藏花小塢蝶徑深深見彩筆賦陽春看藻思飄飄雲半
煙拖山翠和月冷西牕玻瓈瓊葡萄釀旋落酴醿片

前調 上元

毛滂

蟬娟不老依舊東風面華燭下珠輶盛寒裏春光一片
不教暮景也似每常來水精宮銀色界今夜分明見

碧街如水人影花凌亂誰在柳陰中小妝寒落梅數點
詩翁獨倚十二玉闌干露濛濛雲冉冉千嶂琉璃淺

前調

毛滂

梅花初謝雪後寒微峭誰送一城春綺羅香風光窈窕
插花走馬天近寶鞭寒金波上玉輪邊不是紅塵道
玻璃山畔夜色無由到深下水晶簾擁嚴妝鉛華相照

珠樓渺渺人月兩蟬娟尊前月月中人相見年年好

前調楊花

毛滂

雪空香徑撲撲憐飛絮柔弱不勝春任東風吹來吹去
牆陰花外一片落誰家葉依依煙鬱鬱依舊如張緒
那人拈得吹向釵頭住不定却飛揚滿眼前攬人情愫
蜂兒蝶子教得越輕狂隔斜陽點芳草斷送青春暮

前調送蔡元長

李元膺

溪堂歡燕慣捧玻璃盞今日祖西城更忍把一杯重勸

別離情味自古不堪秋催淚雨濕西風腸共危絃斷

夕陽去路五馬旌旗亂便是古都春應醉慙曲江池館
須知別後疊翠倚闌情青嶂晚碧雲深日近長安遠

前調

天穿節

葛勝仲

望雲門外油壁如流水空巷逐朱旛步春風香河七里
冶容袵服摸石道宜男穿翠靄度飛橋影在清漪裏
秦頭楚尾千古風流地試問漢江邊有解珮行雲舊事
主人領客一笑強頌春燒燈後賞花前遙憶年年醉

前調

葛勝仲

出門西笑千里長安道不用引離聲便登庸十洲三島
畫船珠箔蘋末水風涼隋岸柳楚臺人景與人俱好
應嗟見晚玉殿生清曉正是妙年時步承明謀身須早
輶車遠使新逐凱歌回恩綺重絲衣輕嘉慶知多少

前調

游甘露寺

張表臣

樓橫北固盡日厭厭雨欵乃數聲歌但渺漠江山煙樹
寂寥風物三五過元宵尋柳眼覓花鬢春色知何處

落梅嗚咽吹徹江城暮脈脈數飛鴻杳歸期東風凝佇
長安不見煙起夕陽間魂欲斷酒初醒獨下危梯去

前調

周紫芝

月眉星眼闊苑真仙侶嬌小正笄年每當筵愁歌怕舞
水亭煙樹春去已無蹤桃源路知何處往事如風絮
如今聞道悞前翦香雲縷閒繫小鳥紗更無心淺匀深注
三山路杳終不是人間知誰與吹簫女共駕青鸞去

前調

月夜

謝逸

霜清木落深院簾櫳靜池面卷煙波瑩香冰一奩明鏡
修筠拂檻疎節晚蟬娟山霧斂水雲收野閣江天迥

紅銷醉玉酒面風前醒羅幙護輕寒錦屏空金鑪燼冷
星橫參昴梅徑月黃昏清夢覺淺看顰牕外橫斜影

前調

周邦彥

湖平春水荇藻縈船尾空翠撲衣襟拊輕榔游魚驚避
晚來潮上迤邐沒沙痕山西倚雲漸起鳥度屏風裏
周郎逸興黃帽侵雲水落日媚滄洲泛一棹夷猶未已

玉簫金管不共美人遊因甚箇煙霞底偏愛尊中美美

前調

周邦彥

樓前疎柳柳外無窮路翠色四天垂數峰青高城闕處江湖病眼偏向此山明愁無語空凝佇兩兩昏鴉去

平康巷陌往事如花雨十載却歸來倦追尋酒旗戲鼓今宵幸有人似月嬋娟霞袖舉杯深注一曲黃金縷

前調

周邦彥

江天雪意夜色寒成陣翠袖捧金蕉酒紅潮香凝粉暉

簾波不動新月澹
朧明香破豆燭頻
花減字歌聲穩
恨着羞斂往事休
重問人去小庭空
有梅梢一枝春信
檀心未展誰爲探
芳叢消瘦盡洗妝
勻應更添風韻

前調

晁端禮

風流心膽直
把春償酒選得一枝花
綺羅中算來未有名
園翠苑風月最佳時
夜迢迢車款款是處曾攜手
重來一夢池館皆依舊
幽恨寫新詩託何人
草臺問柳漁舟歸
後雪鎖武陵溪
水潺潺花片片
檣棹空回首

前調

曹組

草薰風暖樓閣籠輕霧牆短出花梢映誰家綠楊朱戶
尋芳拾翠綺陌自青春江南遠踏青時誰念方羈旅

皆游如夢空憶橫塘路羅襷舞臺風想桃花依然舊樹
一懷離恨滿眼欲歸心山連水水連雲悵望人何處

前調

梅

曹組

洗妝真態不在鉛華御竹外一枝斜想佳人天寒日暮
黃昏院落無處著清香風細細雪垂垂何況江頭路

月邊疎影夢到銷魂處結子欲黃時又須作廉纖細雨
孤芳一世供斷有情愁銷瘦損東陽也試問花知否

前調

沈會宗

想伊不住船在藍橋路別語未甘聽更忍問而今是去
門前楊柳幾日轉西風將行色欲留心忽忽城頭鼓
一番幽會只覺添愁緒邂逅却相逢又還有此時歡否
臨岐把酒莫惜十分斟尊前月月中人明夜知何處

前調

蔡伸

孤城暮角落月邊聲靜醉袖拂危闌對天末孤雲愁凝
吳津楚望表裏抱江山山隱隱水迢迢滿目江南景
羈懷易感往事傷重省羅袂裏殊香鬢星星忍窺青鏡
瓊英好在應念玉闌遙凝淚眼下層樓回首平林暝

前調

百 花 洲

葉夢得

一年春事常恨風和雨趁取未殘時醉花前春應相許
山翁倒載日暮習池回問東風春知否莫道空歸去
滿城歌吹也似春和豫爭笑使君狂占風光不教飛絮

明朝酒醒滿地落殘紅唱新詞追好景猶有君收取

前調

聞琵琶
有感

趙長卿

壺天冰雪消盡虛堂暑多謝故人情送飛花香傳小樹
香風初過一曲斷腸聲如怨訴訴閒愁落落琵琶語
江邊馬上彈指成千古淚眼與啼妝歎風流只今何處
芳心役損觸事起悲酸招玉素撥檀槽整理金衣縷

前調

張元幹

一番小雨陡覺添秋色桐葉下銀牀又送箇淒涼消息

故鄉何處搔首對西風衣線斷帶圍寬衰鬢添新白
錢塘江上冠蓋如雲集駿馬傍朱門誰肯念塵埃倦客
佳人信杳日暮碧雲深樓獨倚鏡頻看此意無人識

前調

九日

劉子翬

浮煙冷雨此日還重九秋去又秋來但黃花年年依舊
平臺戲馬無處問英雄茅舍小竹籬疎兀坐空搔首
客來何有草草三杯酒一醉萬緣空休貪他金印如斗
山翁倦矣誰共賦歸與芟隴麥網溪魚未落他人後

前調

坤寧殿應制賦照水梅花

曾覩

催花小雨輕把香塵灑簾捲水亭風梅影轉夕陽初下
靚妝窺檻鴛鴦甃湛清漪浮暗麝翦芳瓊消得連城價

玉樓十二寒怯銖衣掛曾是綠華仙眷餘情新詞如畫
花隨人聖須信世無雙騰鳳吹駐鸞輿堪與瑤池亞

前調

暮秋賞梨花

曾覩

凋紅減翠正是清秋杪深院嫋香風看梨花一枝開早
瓏璁映面依約認嬌顰天澹澹月溶溶春意知多少

清明池館芳信年年好更向五侯家把江梅風光占了
休教寂寞辜負向人心檀板響寶杯傾潘鬢從他老

前調醉醡

楊无咎

天姿雅素不管羣芳妒微笑倚春風似窺宋牆頭凝佇
一春花草陡覺更無香懸繡帳結羅巾誰更熏沈炷
可堪開晚未放韶光去生怕移庭階直不忍蒼苔散步
會須開宴滿摘熊瑤觴何況有綺牕人嬌鬢相宜處

前調木桺

楊无咎

蟾宮仙種幾日飄鶯梵密葉繡團園似翦出佳人翠裏
葉間金粟皎皎粉枝頭黃菊嫩碧蓮披獨對秋容瘦
濃香馥郁庭戶宜熏透十里遠隨風又何必凭闌細嗅
明犀一點暗裏爲誰通秋夜永月華寒無寐聽殘漏

前調

建康郡園賞芍藥

侯寘

玉麟春晚綠偏甘棠陰可是惜花深旋移得翻培紅影
朱簾捲起如在古揚州寶纓絡玉盤盂嬌豔交相映
蓬萊殿裏幾樣春風鬢生怕逐朝雲更羅幕重重遮定

多情絳蠟常見醉時容紫舞袖敍歌塵莫負良宵永

前調

停雲竹
逕初成

辛棄疾

小橋流水欲下前溪去喚起故人來伴先生風煙杖屢行穿窈窕時歷小崎嶇斜帶水半遮山翠竹裁成路一尊遐想剩有淵明趣山上有停雲看山下濛濛細雨野花啼鳥不肯入詩來還一似笑翁詩自沒安排處

前調

張孝祥

雄風豪雨時節清明近簾幙起輕寒煥紅爐笑翻灰燼

陰藏遲日欲驗幾多長繡工。墉園基倦香篆頻銷印。
茂林芳徑綠變紅添潤。桃杏意酣酣占前頭。一番花信
華堂尊酒但作豔陽歌。禽聲喜流雲盡明日春遊俊。

前調

程 坡

老來風味是事都無可只愛小書舟。賸圍著琅玕幾箇
呼風約月隨分樂生涯不羨富不憂貧不怕烏蟾墮。
三杯徑醉轉覺乾坤大醉後百篇詩儘從他龍吟鶴和。
升沉萬事還與本來天青雲上白雲間一任安排我。

前調 效樵歌體

吳倣

清晨早起小閣遙山翠
額面整冠巾問寢罷安排菽水隨家豐儉不羨五侯鯖
輞煮肉熟炊粳適意爲甘旨中庭散步一璣雲濤細迤逦竹洲中坐息與行歌隨意逡巡酒熟呼喚社中人
花下石水邊亭醉便頹然睡

前調

吳倣

園林何有修竹搖蒼翠春到小桃蹊看綠滿一池春水
花開日暖兒姪競追隨挑野菽網溪魚有酒多且旨

去來聚散無必亦無意說地或談天更休問語言粗細
誰強誰弱誰是又誰非過去事未來事一枕騰騰睡

前調

梅花用曹元寵韻

袁去華

蕊珠宮闕西帝陳嬪御語笑夢中香歎羅浮幾番春暮
江南歲晚垂地凍雲黃修竹外一枝斜流水橋邊路
小桃半吐羞得無藏處不怕雪霜欺最難禁豪風橫雨
當年詩興猶自記揚州今老矣容天涯還認何郎否

前調初春

張震

春光如許春到江南路柳眼弄晴暉笑梅花落英無數
峭寒庭院羅幙護牕紗金鴨暖錦屏深曾記看承處
雲邊尺素何計傳心縷無處說相思空惆悵朝雲暮雨
曲闌干外小立近黃昏心下事眼邊愁借問春知否

前調春半

張震

青梅如豆斷送春歸去小綠間長紅看幾處雲歌柳舞
偎花識面對月共論心攜素手採香游踏徧西池路
水邊朱戶曾記消魂處小立背秋千空悵望娉婷韻度

楊花撲面香，移一簾。風情脈脈酒厭厭。回首斜陽暮。

前調

杜旗

春風如客可是繁華主。紅紫未全開。早綠偏江南千樹。
一番新火多少倦游人。纖腰柳不知愁。猶作風前舞。

小闌干外兩兩幽禽語。問我不歸家。有佳人天寒日暮。
老來心事惟只有春知。江頭路帶春來更帶春歸去。

前調

海棠

王千秋

清明池館側臥簾初卷。還是海棠開。睡未足餘醒滿面。

低頭不語渾似怨東風心始吐又驚飛交現垂楊眼

少陵情淺花草題評偏賦得惡因緣沒一字聊通織繆
黃昏時候凝竚怯春寒籠翠袖減豐脈脈情何限

前調

題錢氏溪月

姜夔

與鷗爲客綠野留吟屐兩行柳垂陰是當年仙翁手植
一亭寂寞煙外帶愁橫荷冉冉展涼雲橫臥虹千尺
才因老盡秀句君休覓萬綠正迷人更愁入山陽夜笛
百年心事惟有玉闌知吟未了放船回月下空相憶

前調送伯禮

陸游

元戎十乘出次高唐館歸去舊鶴行更何人齊飛霄漢
瞿塘水落惟是淚波深催疊鼓起牙檣難鎖長江斷
春深鼇禁紅日宮飄腴何處望音塵黯消魂層城飛觀
人情見慣不敢恨相忘梅驛外蓼灘邊只待除書看

前調

游三榮龍洞

陸游

窮山孤壘臘盡春初破寂寞掩空齋好一箇無聊底我
嘯臺龍岫隨分有雲山臨淺瀨陰長松間據交牀坐

三杯徑醉不覺紗巾墮畫角喚人歸落梅村藍輿夜過
城門漸近幾點妓衣紅官驛外酒爐前也有閒燈火

前調

謝懋

厭厭睡起無限春情緒柳色借輕煙尚瘦怯東風倦舞
海棠紅皺不奈晚來寒簾半捲日西沈寂寞閒庭戶
飛雲無據化作溟濛雨愁裏見春來又只恐愁催春去
惜花人老芳草夢淒迷題欲徧瑣牕紗總是傷春句

前調

易祓

海棠枝上留得嬌鶯語雙燕幾時來竝飛入東風院宇
夢回芳草綠徧舊池塘梨花雪桃花雨畢竟春誰主
東郊拾翠襟袖霑飛絮寶馬趁雕輪亂紅中香塵滿路
十千斗酒相與買春閒吳姬唱秦娥舞拏醉青樓暮

前調

汪莘

金風玉露洗出乾坤體乘興到前村見一片清溪無底
竹籬茅舍雞犬兩三家尋漁父問湘靈拄杖斜陽裏
青春悞我白髮今如此幸自識方壺有箇人神通遊戲

澗邊野鶴巖上忽孤雲傾濁酒對黃花又似東籬子

前調

洪 瑞

潮平風穩行色催津鼓回首望重城但滿眼紅雲紫霧
分香解珮空記小樓東銀燭暗繡簾垂眠眠凭肩語

關山千里垂柳河橋路燕子又歸來但惹得滿身花雨
彩箋不寄蘭夢更無憑燈影下月明中魂斷金釵股

前調

方千里

園林晴晝花上黃蜂尾鶯語怯遊人又還傍綠楊深避

曲池斜徑草色碧於藍欄倦倚簾半起魂斷斜陽裏

江南春盡渺渺平橋水身在一天涯問此恨何時是已

飛帆輕槳催送莫愁來歌舞地尊酒底不羨東鄰羨

前調

楊澤民

當年蘇小家住苕溪尾一棹采蓮歸悄悄得鴛鴦飛避
蘋洲蓼岸花臉兩難分崖平倚風乍起蕩漾煙花裏
平生強項未肯輕魚水溪上偶相逢這一段風情怎已
紉蘭解珮不負有情人金尊側羅帳底占盡人間美

前調

盧炳

淡妝西子怎比西湖好南北兩長堤有罨畫樓臺多少
翠光千頃一片淨琉璃泛蘭舟搖畫槧盡日金尊倒
名園精舍總被遊人到年少與佳人共攜手嬉遊歌笑
夕陽西下沈醉盡歸來鞭寶馬闊竿隨簇著花藤轎

前調

花港觀魚

陳允平

春波浮綠小隱桃溪路煙雨正林塘翠不碍錦鱗來去
芹香藻膩偏愛鯉花肥簷影下柳陰中逐浪吹萍絮

銅溝泉滑怕有題牋句釣餌已忘機都付與人間兒女
濠梁興在鷗鷺笑人癡三相夢五湖心雲水蒼茫處

前調

石孝友

鶯鶯燕燕搖蕩春光嬾時節近清明雨初晴嬌雲弄暖
醉紅溼翠春意釀成愁花似染草如翦已是春強半
小鬟微盼分付多情管癡騃不知愁想怕晚貪春未慣
主人好事應許玳筵開歌舞着斂舞腰軟怎便輕分散

前調

石孝友

小花靜院有箇人人現縹紗更嬌婷算不數歌朋舞伴
鳴珂曲里常記偶相逢無語恨有情愁綠嫩紅妝淺
別來誰念人面闊山遠凝睇倚危樓眼波長看峰不展
一年心事到此向誰論書鴈杳夢雲深寂寞江天晚

前調

石孝友

醉魂初醒強訣尋芳徑一似楚雲歸悄沒了鱗書羽信
疎狂蹤跡虛度可憐春陰還悶愁還困贏得無端病
菱花寶鏡拆破雙鴛影別袖忽頻看生怕見啼紅醉粉

而今顚額瘦立對東風紅成陣綠成陰況是春將盡

前調

雪二首

何夢桂

春工未覺何處瓊英早夜半翦銀河到人間樓臺初曉
霏霏脈脈不是不多情金帳暖玉堂深却怪音塵杳

天公謫下暫落紅塵道顏色自還憐怕輕狂隨風顛倒
冰心誰訴但吹入梅花明月地白雲階相照天寒好

前調

何夢桂

飛僂欲下水殿嚴妝早嬌澀怕春知跨白虬天門未曉

寬裳零亂肌骨自清妍梅簷月柳橋風世上紅塵杳
重門深閉忘却山陰道呼酒嚼瓊花任醉來玉山傾倒
無言相對這歲暮心期茆舍外玉堂前處處風流好

前調

蔡松年

清明綠野玉色明春酒燕地雪如沙爲喚起斗南溫秀
鬢絲禪褐夢覺古揚州瑤臺路返魂香好在啼妝瘦
春前入眼似是章臺柳欲典鶼鷀乘悞金車香迎馬首
綠陰青子後日便東風秋千散暮寒生月到西廂後

前調 賦崇福
荷花

趙可

雲房西下天共滄波遠走馬記狂遊正芙蓉平鋪鏡面
浮空欄檻招我到芳尊看花醉把花歸扶路清香滿
水楓舊曲應逐歌塵散時節又新涼料開偏橫湖清淺
冰姿好在莫道總無情殘月下曉風前有恨何人見

前調 餉柑

張埜

洞庭珍味喚起愁千里萬顆曉霜餘記當時玉纖分翠
小園秋晚半醉對黃花驚昨夢渺前歡歲月如彈指

天涯牢落無計論心事冉冉驛塵紅尚依然襲人芳氣
吧羅輕護不忍破金苞香簌簌露霏霏總是相思淚

前調

劉基

簷鈴風過昵昵閨中語月上海東峰冷光浸澄清玉宇
幽人此際輕步遶回廊龜鳴沼鴉翻樹露滴松梢雨
蘆花初老也學楊花絮衆衆趁流塵半沾泥半飄陌路
不須看覲且自買芳尊巴渝曲婆娑舞醉飲朝還暮

前調

劉基

清明過了簾幕餘寒淺芳樹不勝風任流水飄紅去遠
煙昏雨暝天瀕海雲低鶯意嬾蝶魂消花盡成秋苑
遊絲落絮特地相萦絆無計網春暉漫贏得遮人望眼
登高凝睇欲寄一緘書鴻路阻豹闌深日暮空腸斷

前調

劉基

三更鳴雨溼透桃花臉珠箔未登釣早飄落猩紅數點
碧雲如夢人去已無蹤金泥鳳玉蟠龍寂寞蛛絲檢
鉛華柔軟剛被秋霜染長夜擁寒衾耿青燈膏凝暈閃

銅壺漏永應是接天河一聲去一聲來空把重門掩

前調

寒食

陳子龍

碧雲芳草極目平川繡翡翠點寒塘雨霏微澹黃楊柳
玉輪聲斷羅韁印花陰桃花透梨花瘦偏試纖纖手
去年此日小院重回首暈薄酒闌時擲春心暗垂紅袖
韶光一樣好夢已天涯斜陽候黃昏又人落東風後

金庭正庫全書

卷五十一

御選歷代詩餘



御選歷代詩餘卷五十一

總校官庶吉士臣張能照
校對官庶吉士臣陳墉

謄錄監生臣于飛鳳

謄錄監生臣浦炳

欽定四庫全書會要

集部

御選歷代詩餘卷五十三

二

詳校官編修臣汪鏞

欽定四庫全書會要

御選歷代詩餘卷五十二目錄

起八十三字至八十五字

洞仙歌

又一體

蘇軾

晁補之

葛郯

二首

王安中

劉一止

劉光祖

韓流

沈端節二首

蔣捷

張炎二首

趙君舉

汪元量

姚雲文

周用

前調又一體

李元膺

清波引

張炎

滿路花

秦觀

周邦彥

方千里

二首

陳允平

二首

周用

前調

又一體

呂渭老

黃鶴引

無名氏

淒涼犯

張炎

迷仙引

柳永

洞仙歌

又一體

晏幾道

二首

李邴

辛棄疾

蔣捷

前調又一體

卷五十二目錄

段弘章

前調又一體

阮閱

蕙蘭芳引

周邦彥

方千里

楊澤民

陳允平

夢玉人引

朱敦儒

千秋引

李冠

元令

賀鑄

少年游慢

張先

鶴冲天

又一體

賀鑄

祭天神

柳永

踏青遊

又一體

王詵

中興樂

又一體

李珣

五福降中天

無名氏

清波引

又一體

姜夔

傾杯近

袁去華

又一體

滿路花

呂勝己

八六子

李演

洞仙歌

又一體

晁補之

葛郯

三首

李元膺

京鐘

盧祖皋

高觀國

無名氏

元好問

李俊民

詹正

前調

又一體

晁補之

前調 又一體

管鑑

夢玉人引 又一體

范成大 二首

陳三聘 二首

華胥引

周邦彥

祭天神 又一體

柳永

御選歷代詩餘卷五十二目錄

欽定四庫全書
舊要卷二萬七百三十

集部

御選歷代詩餘卷五十二

起八十三字至八十五字

洞仙歌

又一體雙調

八十三字

洞仙歌

蘇軾

米肌玉骨自清涼無汙水殿風來暗香滿繡簾開一點
明月窺人人未寢欹枕釵橫鬢亂起來攜素手庭戶
無聲時見疎星度河漢試問夜如何夜已三更金波澹

玉繩低轉但屈指西風幾時來又不道流年暗中偷換

前調

菊

晁補之

今春閏好怪重陽菊早滿檻煌煌看霜曉喚金錢翠羽
不稱標容瀟灑意陶令詩中能道不應誇絕豔曾如
春華因甚東君意不到又似鎖三千漢女偏教明妃怨
西風邊草也何必牛山苦沾衣算只好龍山醉狂吹帽

前調

納涼

葛 鄭

璣樓十二無限神仙侶紫紱丹麾彩鸞馭步虛聲杳靄

碧落天高微雲澹點破瑤階白露 暗香來水閣冰簾
紗帳一枕風輕自無暑更上水晶簾斗挂闌干銀河淺
天孫將渡終不如歸去在苕川看千頃菰蒲亂鳴秋雨

前調

次夜再賞月

葛 郊

貌姑仙子天外誰為侶八極浮游氣為馭看朝餐沆瀣
暮飲醍醐瑤臺冷吹落九天風露 翠空雲幙淨寶鑑
無塵碧樹秋來暗消暑殘夜水明樓影落寒溪行人起
沙頭喚渡任角聲吹落小梅花夢不到漁翁一蓑煙雨

前調

王安中

深庭夜寂但涼蟾如晝鵠起高槐露華透聽曲樓玉管
吹徹伊州金釧響軋軋朱扉暗叩迎人巧笑道好箇

今宵怎不相尋暫攜手見澹淨晚妝對月偏宜多情更
越饒纖瘦怨早促分飛霎時休便恰似陽臺夢雲歸後

前調

梅

劉一止

細風輕霧鎖山城清曉冷蕊疏枝為誰好對斜橋孤驛
流水濺濺無限意清影徘徊自照何郎空立馬惱亂

餘香綺思憑花更娟妙腸斷處天涯路遠音稀行人怨
角聲吹老歎客裏經春又三年向月地雲階負伊多少

前調 荷花

劉光祖

晚風收暑小池塘荷淨獨倚胡牀酒初醒起徘徊時有
香氣吹來雲藻亂葉底游魚動影 空擎承露蓋不見
冰容惆悵明妝曉鸞鏡後夜月涼時月淡花低幽夢覺
欲憑誰省且應記臨流凭闌干便遙想江南紅酣千頃

前調

次韻斯遠所賦清溪一曲

韓流

溪山好處贏得題新曲待足人生甚時足問臨流情味
倚徧斜暉應似畫小景生絀一幅漁舟聲欸乃巖上
雲飛杳杳歸鴉去鴻逐任當日伊呂談笑興王爭敵恁
閑眠野宿待雪天月夜我還來醉瀟灑清幽那些兒屋
前調雪

沈端節

夜來驚怪冷逼流蘇帳夢破初聞竹牕響向曉開簾看
凌亂寒光清興發鶴氅誰同縱賞江南春意動梅竹
潛通醉帽衝風自來往慨念故人疎便理扁舟須信道

吾曹清曠待石鼎煎茶洗餘醺更依舊歸來淺斟低唱

前調

沈端節

重陽近也漸秋光淒勁宿雨初收好風景正干戈耆定
禾黍豐登人意樂歌舞賢侯美政醉翁遊歷處勝槩
依然木落淮南見山影有客共登臨醉裏疎狂敲烏帽
從嘲雪鬢但目送孤鴻傍危闌笑問道黃花似誰風韻

前調

對雨
思友

蔣捷

世間何處最難忘杯酒唯是停雲想親友此時無一盞

千種離愁西風外長伴枯荷衰柳去年深夜雨傾倒

書牕短燭心懸小紅豆記得到門時雨正瀟瀟嗟今雨
此情非舊待與子相期采黃花又未卜重陽果然晴否

前調

觀王環山花外詞有感

張炎

野鶲啼月便角巾還第輕擲詩瓢付流水最無端小院
寂歷春空門自掩柳髮離離如此可惜歡娛地雨冷
雲昏不見當時譜銀字舊曲怯重翻總是離愁淚痕灑
一簾花碎夢沈沈知道不歸來尚錯問桃根醉魂醒未

前調寄茅峰
梁中砥

張炎

中峰壁立挂飛來孤劍蒼雪紛紛墮晴蘚自當年詩酒
客裏相逢春尚好鷗散煙波茂苑只今誰最老種玉
人間消得梅花共清淺問我入山期但恐山深松風把
紅塵吹斷望蓬萊知隔幾重雲料只隔中間白雲一片

前調

趙君舉

荒山明月下有雲來去深夜纖毫靜可數問古今底事
留此空光修月戶猶是當年玉斧思君持羽扇來伴

微吟水珮風環飲松露待勾漏丹成約與輕飛人間世
不知歸處更長嘯餘聲振林谿見亂紅驚飛半嵒花雨

前調

汪元量

西園春暮亂草迷行路風捲殘花隨紅雨念舊巢燕子
飛傍誰家斜陽外長笛一聲今古繁華流水去舞歇
歌沈忍見遺鉢種香土漸橘樹方生桑枝纔長都付與
沙門為主便關防不放貴游來又突兀梯空梵王宮宇

前調

姚雲文

燕窠香濕誤天涯芳信社近陰晴未前定聽鶯簧宛轉似羽凝宮歌未斷落落舊愁都醒 跖狂追少日杜曲樊樓拚把黃金買春恨回首武陵溪花待郎歸洞雲深未知春盡問楊柳梢頭幾枝青消不得朝來雨寒一陣

前調

重午

周用

客中今日恰江南端午數點弄晴梅子雨正清溪華屋長晝初筵呈畫扇更有香蘆角黍 詁蓼催羯鼓燕燕鶯鶯當面盈盈試歌舞故事杳難尋天上佳期人傳道

牛郎織女待羅袖明朝酒消痕記玉臂凝香絲絲雙縷

前調又一
體

李元膺

廉纖細雨殢東風如困繁斷千絲為誰恨向楚宮一夢
多少悲涼無處問愁到而今未盡 分明都是淚泣柳
沾花常與騷人伴孤悶記當年得意處酒力方酣怯輕
寒玉爐香潤又豈識情懷苦難禁點滴簷聲夜寒燈暎

清波引

雙調八
十三字

清波引

送別湖
湘廉使

張炎

江濤如許更一夜聽風聽雨短蓬容與盤礴那堪數弭
節澄江樹不為尊鱸歸去怕教冷落蘆花誰招得舊鷗
鷺寒汀古漱盡日無人喚渡此中清楚寄情在譚麈
難覓真閒處宵被水雲留住冷然棹入中流去天尺五

滿路花

滿路花

或加促拍二字雙調八十三字有名歸去難者按之與此無異蓋即滿路花之別名非另有一調也

秦觀

露顆添花色月彩投牕隙春思如中酒恨無力洞房咫
尺曾記青鸞翼雲散無蹤跡羅帳更殘夢回無處尋覓
輕紅膩白步步薰蘭澤約腕金環重宜裝飾未知安
否一向無消息不是尋常憶憶後教人片時存濟不得

前調

周邦彥

金花落燼燈銀礫鳴牕雪庭深微漏斷行人絕風扉不
定竹圃琅玕折玉人新間闊著這情懷更當恁地時節
無言欹枕帳底流清血愁如春後絮來相接知他那

裏爭信人心切除共天公說不成也還似伊無箇分別

前調

方千里

簾篩月影金風捲楊花雪天邊鴻雁少音塵絕春光欲暮客子歸心折江湖波浪闊目斷家山料應易過佳節柔情千點杜宇枝頭血危腸知寸斷誰能接眠思夢憶不似今番切欲對何人說攬鏡沉吟瘦來須有差別

前調

方千里

鶯飛翠柳搖魚躍浮萍破斑斑紅杏子交榴火池臺畫

永綠繞花陰裏山色遙供座枕簟清涼北牕時喚高卧
翻思年少走馬銅駕左歸來敲鐙月留闌鎖年華老
大事逐浮雲過今吾非故我那日尊前祇今問有誰呵

前調

陳允平

離歌泣斷雲別舞愁飛雪鳳皇臺上望瓊簫絕釵分玉
燕寸寸回腸折碧空歸鴈闊猶有疎梅歲寒獨伴高節
鮫絹羅帬淚灑臘脂血悠悠江上水天連接朱樓徧
倚萬里空情切此恨憑誰說天若有情料天須有區別

前調

陳允平

寒輕菊未殘春小梅初破獸爐閒撥盡松明火青氈錦
幄四壁新裝裏裯暖香薰座繡擁銀屏綵鸞空伴雲臥
相思何處夢入藍橋左歸期還細數愁眉鎖薄情孤
鴈不向樓西過故人應怪我怪我無書有書還倩誰呵

前調

周用

風前滿地花雨後連天草今年三月裏春歸早低雲薄
霧猶自憐清曉金尊須更倒無奈離愁為他轉傷懷抱

繡簾斜捲晝靜聞啼鳥韶華剛九十勾消了綠波無

賴點點青荷小寄語春知道桃李多情莫教惜春人老

前調

又一體

呂渭老

西風晴日短小雨菊花寒斷雲低古木暗江天星娥尺
五佳約誤當年小語凭肩處猶記西園畫橋斜月闌干
鳥啼花落春信遣誰傳尚容春夜夢小留連青樓何
處寶鏡注嬋娟應念紅箋事微暉春山背腮愁枕孤眠

黃鶴引

雙調八
十三字

黃鶴引

無名氏

生逢垂拱不識干戈免田隴士林書圃終年庸非天寵
才粗闡背老去支離何用浩然歸算是黃鶴秋風相送
塵事塞翁心浮世莊生夢漾舟遙指煙波羣山森動
神閑意聳回首利韁名鞋此情誰共問幾許淋浪春甕

淒涼犯

犯或作調雙調八十三字宋姜夔自度曲但
姜詞九十三字此少字者又後人所損也

淒涼犯

張炎

西風暗翦荷衣碎
藕絲不解重緝
荒煙斷浦晴暉零亂
半江搖碧悠悠望極
忍獨聽秋聲淅瀝更憐他柳髮蕭
踈相與動秋色
老態今如此
猶自留連醉筇吟屐不堪瘦影渺天涯
盡成行客因甚忘歸漫吹裂山陽夜笛

迷仙引

與迷神引無涉
雙調八十三字

迷仙引

柳永

才過笄年初綰雲鬟便學歌舞席上尊前王孫隨分相
許算等閒酬一笑但千金慵覩常只恐華容易偷換
光陰虛度已受深恩顧好與花為主萬里丹霄何妨
攜手同去去永棄却煙花伴侣免教人得見朝雲暮雨

洞仙歌

又一體雙調

八十四字

洞仙歌

晏幾道

春殘雨過綠暗東池道玉靨藏羞媚顏笑記當時已恨

飛鏡歡疎那至此仍苦題花信少 連環情未已物是人非月下疎梅似伊好澹秀色黯寒香粲若春容何心顧閑花凡草但莫使情隨歲華遷便香隔秦源也須能到

前調

柳

晏幾道

江南臘盡早梅花開後分付新春與垂柳細腰肢自有入格風流仍更是骨體清英雅秀 永豐坊那畔盡日無人惟見金絲弄晴晝斷腸是飛絮時綠葉成陰無箇

事一成消瘦又莫是東風逐君來便吹散眉間一點春
皺

前調

柳花

李邴

一團纖軟是將春揉做撩亂隨風到何處自長亭人去
煙草淒迷歸未定妝點離愁無數 飄揚無箇事剛被
繁牽長是黃昏怕微雨記那回深院靜簾幙低垂花陰
下霎時留住又只恐伊家忒疎狂便薦地和春帶將歸
去

前調浮石莊

辛棄疾

松關桂嶺望青葱無路費盡銀鈎榜佳處悵空山歲晚
窈窕誰來須著我醉卧石樓風雨 仙人瓊海上握手
當年笑許君攜半山去剝蠟嶂巒飛泉洞府淒涼又却
怕先生多取怕夜半羅浮有時還好長把雲煙再三遮
住

前調柳

蔣捷

枝枝葉葉受東風調弄便是鶯穿也微動自鵝黃千縷

數到飛鶯閒無事誰管將春迎送 輕柔心性在教得
遊人酒舞花吟恣狂縱更誰家鸞鏡裏貪學纖蛾移來
傍妝樓新種總不道江頭鎖清愁正雨渺煙茫翠陰如
夢

前調

又一體
茶蘂

段弘章

一庭晴雪了東風孤注睡起濃香占牕戶對翠蛟盤雨
白鳳迎風知誰見愁與飛紅流處 想飛瓊弄玉共駕
蒼煙欲向人間挽春住清淚滿檀心如此江山都付與

斜陽杜宇是曾約梅花帶春來却又自趁梨花送春歸去

前調

又一體

阮閱

趙家姊妹合在昭陽殿因甚人間有飛燕見伊底盡道
獨步江南便江北也何曾慣見惜伊情性好不解嗔
人長帶桃花笑時臉向尊前酒底見了須歸似恁地能
得幾回細看待不眨眼兒覩著伊將眨眼工夫看伊幾
偏

蕙蘭芳引

本仙呂曲也後以名
詞雙調八十四字

蕙蘭芳引

周邦彥

寒瑩晚空點青鏡斷霞孤鶩對客館深扃霜草未衰更
綠倦游厭旅但夢繞阿嬌金屋想故人別後盡日空疑
風竹塞北氍毹江南圖幃是處溫燠更花管雲箋猶
寫寄情舊曲音塵迢遞但勞遠目今夜長爭奈枕單人

獨

前調

方千里

庭院雨晴倚斜照睡餘雙鶯正學染脩蛾官柳細勻黛
綠繡簾半捲透笑語瑣裯華屋帶胞聲咽韻遠近時聞
絲竹乍著單衣纔拈團扇氣候暄燠趁騎馬香車同
按繡坊畫曲人生如寄浪勤耳目歸醉鄉猶勝旅情愁
獨

前調

池亭畫橋宴舞作

楊澤民

命酌池亭簾初下散飛鳬鷺乍風約雲開遙嶂幾眉橫

綠畫橋架月映四岸垂楊遮屋遶翠闌碧檻盡是新裁
花竹 風送荷香涼生冰簾豈畏炎燠便催喚雙成看
舞相時麗曲及瓜雖近要娛我目教後人行樂亦非吾
獨

前調

陳允平

虹雨乍收楚天霽亂飛秋鶩漸秋色衰殘牆外土花晴
綠故山鶴怨流水自菊離茅屋日暮詩吟就澹墨閒題
修竹 更憶飄蓬霜綿風葛幾度涼燠歎歸去來兮何

日甬東一曲黃蘆滿望白雲在目但月明長夜伴人清
獨

夢玉人引

雙調八
十四字

夢玉人引

朱敦儒

浪萍風梗寄人間倦為客夢裏瀛洲姓名誤題仙籍欽
翅歸來愛小園脫籜篠箒碧新種幽花戒兒童休摘
放懷隨分各逍遙飛鷁等鵬翼舍此蕭閨問君攜杖安

造諸彥羣英詩酒皆勍敵太平時向花前不醉如何休
得

千秋引

一名澹紅絹雙

調八十四字

千秋引

李冠

杏花好仔細君須辨比早梅深夭桃淺把絞絹澹拂鮮
紅綻蠟融紫萼重重現煙外悄風中笑香滿院欲綻
全開俱可羨粹美妖嬈無處選除卿卿似尋常見倚天

真豔冶輕朱粉分明洗出臙脂面追往事遶芳樹千千
徧

兀令

雙調八
十四字

兀令

賀鑄

盤馬樓前風日好雪消塵歸樓上宮妝早認簾箔微開
一面嫣妍笑攜手別院重廊窈窕花房小任碧羅裯
曉間閣時多書問少鏡鸞空老身寄吳雲杳想轆轤車

音幾度青門道占得春色年年隨處隨人到恨不如芳

草

少年遊慢

雙調八

十四字

少年遊慢

張先

春城三二月禁柳飄絲未歇仙簾生香輕雲凝紫臨層
闕歌掌明珠滑酒臉紅霞發華省名高少年得意時節
晝刻三題徹梯漢同登蟾窟玉殿初宣銀袍齊脫生

仙骨花探都門曉馬躍芳衢閣宴罷東風鞭梢一行飛

雪

鶴沖天

又一體雙調
八十四字

鶴沖天

賀鑄

鼙鼓動花外沈殘漏華月萬枝燈還清晝廣陌衣香
度飛蓋影相先後箇處頻回首錦坊西去期約武陵溪
口當時早恨歡難偶可堪流浪遠分攜久小畹蘭英

在輕付與何人手不似長亭柳舞風眠雨伴我一春消
瘦

祭天神

雙調八
十四字

祭天神

柳永

歎笑筵歌席輕拋彈背孤城幾舍煙村停畫舸更深釣
叟歸來數點殘燈火被連縣宿酒醺醺愁無那寂寥
擁重衾卧又聞得行客扁舟過蓬牕近蘭橈急好夢還

驚破念平生
單栖蹤跡多
感情懷到此
厭厭向曉披衣
坐

踏青遊

又一體雙調
八十四字

踏青遊

王 說

金勒狨鞍西城嫩寒春
曉路漸入垂楊芳草過
平堤穿綠徑幾聲啼鳥是處裏
誰家杏花臨水依約靚妝斜照
極目高原東風露桃煙島望十里紅圍
綠繞更相將

乘酒興幽情多少待向晚從頭記將歸去說與鳳樓人道

中興樂

又一體雙調
八十四字

中興樂

李珣

後庭寂寂日初長翩翩蝶舞紅芳繡簾垂地金鴨無香誰知春思如狂憶蕭郎等閑一去程遙信斷五嶺三湘休開鸞鏡學宮妝可能更理笙簧倚屏凝睇淚落成

行手尋裙帶鴛鴦暗思量忍孤前約教人花貌虛老風光

五福降中天

雙調八

十四字

五福降中天

無名氏

喜元宵三五縱馬御柳溝東斜日映珠簾暫見芳容秋水嬌嬈俊眼膩雪輕鋪素胸愛把菱花粉面露春葱徘徊步嬾奈一點靈犀未通悵望七香車去幔展春風

雲情雨態願暫入陽臺夢中路隔煙霞甚時還許到蓬
宮

清波引

又一體雙調

八十四字

清波引

姜夔

冷雲迷浦倩誰喚玉妃起舞歲華如許野梅弄眉嫵展
齒印蒼蘚漸為尋花來去自隨秋鴈南來望江國渺何
處新詩漫與好風景長是暗度故人知否抱幽恨難

語何時共漁艇
莫負滄浪煙雨
况有清夜啼猿怨人良

苦

傾杯近

雙調八
十四字

傾杯近

袁去華

邃館金鋪半掩簾
幕參差影睡起
槐陰轉午鳥啼人寂
靜殘妝褪粉鬆髻
散雲慵不整儘無言
手按裙帶遶花
逕酒醒時夢回處
舊事何堪省
共載尋春竝坐調箏

何時更心情盡日一似楊花飛無定未黃昏又先愁夜

永

滿路花

又一體雙調

八十四字

滿路花

瑞香

呂勝已

名花無影迹寒風日淒涼人間千萬樹歇芬芳紫微宮
女仙馭降霓裳名在仙班簿不屬塵凡洞天密鎖雲牕
遺璫連寶珥人世識天香凝寒承雨露傲冰霜凌波

仙子邂逅水雲鄉更約南枝友遊徧江南共歸三島扶

桑

八六子

雙調八
十四字

八六子

李演

乍鷗邊一番腴綠流紅又忽頻花看曉吹約晴歸路夕
陽分落漁家輕寒半遮縈情芳草無涯還報舞香一
曲玉瓢幾許春華正細柳青煙小桃朱戶去年人面誰

知此日重來繫馬東風澹墨散鴉黯牋紗人歸綠陰自斜

洞仙歌

又一體雙調
八十五字

洞仙歌

梅

晁補之

年年青眼為江梅腸斷一句新詩思無限向碧瓊枝上白玉葩中春猶淺一點龍香清遠誰拋傾國豔昨夜前村都恐東皇未曾見正倚牆紅杏芳意濃時驚千片

何許飄零仙館待冰雪叢中看奇姿乍一笑能回上林

冬暖

前調

葛 郊

風搖丹髻葉翦西巖樹歲律崢嶸又如許看千峰倒影
浮動觥船紗牕外萬幅絞綃鬪舞五絃彈不盡碧落
天高隱隱孤鴻向雲度送斜紅斂盡催上蟾鉤金風細
點破瑤階白露任笛聲吹殘一簾秋看人倚朱闌暮雲

高處

前調

葛 鄭

艤聲伊軋影轉雲間樹試問扁舟在何許正溪堂波動
沙渚蘋輕漁翁醉隔岸蓑衣對舞歸來無一事尊酒
相逢莫把光陰更虛度看歌雲杳靄重霧輕盈銀河轉
笑浥芙蓉曉露縱西風黃葉滿庭秋也不礙凝眸亂山
多處

前調

葛 鄭

丹青明滅霜著誰家樹滿眼風光向誰許送寒鴉萬點

流水孤村歸來晚月影三人夜舞 金英秋已老蠟綴
寒葩空裏時聞暗香度任一枝瓶小數點釵寒佳人笑
飲盡牀頭玉露看紗牕紅日上三竿把蝶影捎空在花
深處

前調

李元膺

雪雲散盡放曉晴庭院楊柳於人便青眼更風流多處
一點梅心相映遠約略嚙輕笑淺 一年春好處不在
濃芳小豔疎香最嬌軟到清明時候百紫千紅花正亂

已失春風一半早占取韶光共追遊但莫管春寒醉紅
自暖

前調

海棠

京鐘

東皇著意妙出妝春手點綴名花勝於繡向魚鳧國裏
琴鶴堂前仍共賞蜀錦堆紅炫畫妖嬈真豔麗盡是
天然莫恨無香欠檀口幸今年風雨不苦摧殘還肯為
游人再三留否算魏紫姚黃號花王若定價收名未應

居右

前調
茉莉

盧祖皋

玉肌翠袖較似茶蘼瘦幾度熏醒夜腮酒問炎州何事
得許清涼塵不到一段冰壺翦就晚來庭戶悄暗數
流光細拾芳英黯回首念日暮江東偏為魂銷人易老
幽韻清標似舊正簾紋如水帳如煙更奈向月明露濃
時候

前調

高觀國

輕痕淺暈偷染春風面恰似西施影兒現擬新妝臨鑑

一段天真閒態度長恁香嬌玉軟 從今懷袖裏不暫
相離似笑如顰在舒卷願芳容不老只似如今嬌不語
無奈情深意遠便雨隔雲疎暫分攜也時展丹青見伊
一見

前調

無名氏

斷雲疎雨冷落空山道匹馬駸駸又重到望孤村三兩
茅屋疎籬溪水畔一簇蘆花晚照尋思行樂地事去
無痕回首湘波與天杳歎人生幾度能醉金釵青鏡裏

贏得朱顏未老又一點枝頭破黃奈問客路春風為誰
開早

前調

元好問

黃塵鬢髮六月長安道羞向清溪照枯槁似山中遠志
漫出山來成箇甚只道人間小草昇平十二策丞相
封侯說與高人應笑倒對清風明月展放眉頭長恁地
大醉高歌也好待都把功名付時流只求箇天公放教

空老

前調謝楊成
之寄梅

李俊民

隴頭滿灑辜負尋芳眼浪蕊浮花問名嬾縱看驛使
帶得春來祇恐怕綠葉成陰子滿暗香無恙否月落
參橫惆悵羅浮夢魂短賴故人情重不減西湖花上月
分我黃昏一半更選甚南枝與北枝是一種春風待爭
寒暖

前調送張宗
師捧香

詹正

醉騎黃鶴飛下紅雲島山鐵笛吹寒洞天曉被人間識破

惹起虛名驚宇宙一笑天高月小仙槎人去後殿上

班頭除却洪崖總來少看天香袖裏散作東風吹不斷

海北天南都到試容我從游五陵間便吹入蒼寒一蓑

煙釣

前調

又一體
中秋

晁補之

青煙幕處碧海飛金鏡永夜闌階臥桂影露涼時零亂
多少寒蟬神京遠唯有藍橋路近水晶簾不下雲母
屏開冷浸佳人淡脂粉待都將許多明月付與金尊投

曉共流霞傾盡更攜取胡床上南樓看玉做人間素秋
千頃

前調

又一體
牡丹

管鑑

化工妙手慣與花為主忍便催殘任風雨翦姚黃移魏
紫齊集梁園春豔豔何必尊前解語繡屏深照影簾
密收香夜久寒生費調護寶盆翻銀燭爛客醉忘歸共
惜此芳菲難遇看明年紫禁繞鶯花漫相望春風五雲
深處

夢玉人引

又一體雙調
八十五字

夢玉人引

范成大

送行人去猶追路再相覓天末交情長是合堂同席從
此尊前便頓然少箇江南羈客不忍匆匆少駐船梅驛
酒斟雖滿尚少如別淚萬千滴欲語吞聲結心相對
嗚咽燈火淒清笙歌無顏色縱別後儘相忘算也難忘

今夕

前調

范成大

共登臨處飄風袂倚空碧雨捲雲飛長有桂娥看客簫
鼓生春徧錦城如畫雪山無色一夢纔成恍天涯南北
舞餘歌罷料宣華回首盡陳迹萬里秦吳有情應問
消息我欲歸耕如何重來得故人若望江南且折梅花
相憶

前調

陳三聘

別來何處酒醒後夢難覓晚日溪亭清曉便挂帆席滿

載離愁指去程還作江南行客目斷層城數迢迢山驛
素巾空染淚痕斑應是暗中滴記得輕分玉簫猶自
淒咽昨夜東風梅柳驚春色料伊也沒心情過却好天
良夕

前調

陳三聘

倚闌干久人不見暮雲碧芳草池塘春夢暗驚詩客昨
夜溪梅向空山雪裏輕匀顏色好贈行人折枝南枝北
雨巾風帽昔追遊誰念舊蹤跡料得疎籬暗香時度

風息澹月微雲有何人消得便歸去路溪橋慰我經年
思憶

華胥引

雙調八

十五字

華胥引

周邦彥

川原澄映煙月冥濛去舟似葉岸足沙平蒲根水冷留
鴈唼別有孤角吟秋對曉風鳴軋紅日三竿醉頭扶起
還怯離思相繫漸看看鬢絲堪鑷舞衫歌扇何人輕

憐細閱點檢從前恩愛鳳箋盈篋愁翦燈花夜來和淚

雙疊

祭天神

又一體雙調

八十五字

祭天神

柳永

憶繡衾相向輕輕語屏山掩紅蠟長明金獸盛熏蘭炷
何期到此酒態花情頓辜負愁腸斷還是黃昏那更滿
庭風雨聽空階和漏碎聲闌滴愁眉聚算伊還共誰

人爭知此冤苦念千里煙波迢迢前約舊歡雀一向無
心緒

金庚四月立

卷五十二

御選歷代詩餘卷五十二